

Tèn, tuolèj, malūns užè

Tèn, tuolèj, malūns užè
Èr malè grūdus vèsu.
Onkstèj rītmetie vīrā prikruvè
I vežèma dèdliausiu maišu.

Èr, netardams žuodiu, sosieda
I vežèma, pèlna naktèis.
Šèlta tieva mèlènè sermiega
Aš èlgā dar jautiau ont petèis.

Èr tamè snaudolie monèi ruodies,
Ka važioujem par dongo žvaigždieta kelio.
Vo dardiejèms ratu be gala vèinuods
Mègdè sava žuodio tou patio.

Gal noriedamè kieli pastuotè,
Sekè mumis tomsè, baugè mèškā.
Tonkumīnus gèlius pasiklīdè,
Švèitè blausè žalsvè žioborè.

Èr pruo tieva uždieta dèdèlè keporè
Aš matiau biegont kieli kap šuni èš paskuos.
Èr èš dèdèlies laimès užsnūdau,
Užlingouts vežèma dainuos...